

無秘密

上主 ah，祢有鑒察我，bat 我。我坐落去，我 peh 起來，祢 lóng 知；祢 tùi 遠遠 tòh 知我 ê 念頭。我走路，我倒 tī 眠床，祢 lóng 詳細知；我一切所行所做，祢 mā lóng 知。（《全民台語聖經》詩篇 139：1-3）

你 kám bat 做過任何到 taⁿ iáu-koh hō^o 你感覺見笑 ê tai-chì，儘管你 ê 翁 á 是 bó^o，甚至你 ê 神父 á 是牧師，lóng 無人知影？你 kám 有真小心 teh 顧守一個烏暗 á 是 hō^o 人討厭 ê 秘密？它 kiám-chhái 是你做過 ê 一 koá kah 你性格真無符合 ê 愚戇 tai-chì；á 是一 koá ē-sái 講是反常 ê，á 是 kah 你 ê 教養有偏差 ê，á 是意外 m-koh 嚴重 ê 錯誤；它 kiám-chhái 是你對一 koá 目 nih 久 ê 事件做出無適當 ê 反應；á 是一 koá 你進入青少年 ê 時所惹 ê 麻煩，而且甚至幾十年後，lóng 無人知影。

詩篇 ê 作者提醒咱：上帝知影所有 ê tai-chì。不管咱做啥物，不管咱 tī tó 位，咱 ê tak 項 tai-chì 上帝 lóng 知。上帝知影咱 siōng 內心 ê 想法 kah 咱認真 teh 考慮 ê 無道德 ê 行為，甚至咱最後決定無 beh án-ne 做。了解咱所做 ê 無一項上帝 m̄ 知，這是何等發人深省 ê tai-chì！

當你後 pái 祈禱 ê 時，án-ne 講可能會對你有幫助：「上帝 ah，我 beh 面對 koh 承認我青少年 ê 時所做 ê tai-chì；我真抱歉發生 chit 款 tai-chì，而且我 koh oát tng 身 tiⁿ 怏怏。Taⁿ 我悔改，koh 求祢赦免。」無論你 ê 秘密是啥物，你 ē-tàng 通過祈禱，kah 上帝做伙面對它，án-ne，久年 ê 罪過 tòh 會被抹消。

上帝知影你有做啥物，為啥物你 án-ne 做，以及所有 kah 它有關 ê 情況。祈禱 ê 大優點之一是你 ē-tàng tiāⁿ-tiāⁿ 對上帝完全誠實 kah 坦白。祂會引 chhōa 你採取進一步必要 ê 行動，來減輕對別人造成 ê 傷害，然後你 ē-tàng 被洗清，koh 被赦免。

祈禱：上帝 ah，當我想 beh 對祢隱藏任何 tai-chì ê 時，我是 gōa-á-nih 愚戇，因為祢 ê 話有教示我，無任何秘密 ē-tàng 對祢一直隱藏。求祢 hō^o 我勇氣來面對我想 beh 隱藏 ê tai-chì，koh hō^o 我氣力來離開烏暗，而且大膽 koh 謙卑徙向祢 ê 榮光中。我奉耶穌 ê 名祈禱 chiah-ê tai-chì。阿們。

（2006.03.19）